

RESOLUCIÓN DO CONCELLEIRO DELEGADO 2.294/2008.

Antecedentes administrativos.

Primeiro.- Por Resolución deste Concelleiro delegado número 1.699/2008, do 28 de xullo, aprobase o proxecto técnico denominado “Acondicionamento do baixo da Corredoira para actividades musicais”, redactado polos servizos técnicos municipais, cun orzamento de execución por contrata de cento trinta e dous mil cento vinte e oito euros con setenta e catro céntimos (132.128,74 €), e por Resolución deste mesmo órgano, número 1.702/2008, do 28 de xullo, incóase o correspondente expediente administrativo de contratación da obra por procedemento negociado.

Segundo.- Por Resolución do Concelleiro delegado número 1.880 /2008, do 25 de agosto, apróbase o expediente de contratación tramitado, expediente número 16/08-OB-PN, autorízase o gasto por un importe total de cento trinta e dous mil cento vinte e oito euros con setenta e catro céntimos (132.128,74 €) para a devandita finalidade, apróbase o prego de cláusulas administrativas particulares que rexerán o contrato e ordénase a apertura do procedemento de licitación por procedemento negociado e remitir invitación a tres empresas.

Terceiro.- Rematado o prazo para a presentación de ofertas, ningunha das tres empresas invitadas a presenta, polo que por Resolución 2.081/2008, do 15 de setembro, declárase deserto o procedemento de licitación e ordénase a apertura dun novo procedemento de licitación e a remisión de invitación a outras tres empresas.

Cuarto.- Rematado este novo período de licitación, tan só unha das empresas invitadas CONSTRUCCIONES CES, SL, a presenta o 23 de setembro do 2008, esto é, dentro do prazo outorgado para elo que remataba o 25 do mesmo mes e ano.

Quinto.- O 26 de setembro de 2008 realízase o acto de apertura das ofertas presentadas e tralas comprobacións oportunas acórdase declarar admitido ó licitador CONSTRUCCIONES CES, SL, CIF B-15.026.289, outorgarlle unha puntuación total de 83,34 puntos e formular proposta de adxudicación provisoria do contrato ó seu favor.

Fundamentos de dereito.

Primeiro.- Vistos os criterios de adxudicación recollidos na cláusula 12. do prego de administrativas que rexen esta contratación e considerando o disposto no artigo 135.3. da LCSP e na cláusula 13. que regulan a adxudicación provisoria.

Segundo.- Considerando o disposto na DA 2ª da Lei 30/2007, do 30 de outubro, de contratos do sector público (LCSP), que atribúe ó Alcalde a competencia dos contratos cuio importe acumulado de tódalas anualidades non supere o 10% dos recursos ordinarios do orzamento nin os 6.000.000 de euros nin a súa duración é superior ós catro anos, e vista a delegación efectuada neste Concelleiro delegado por Resolución do Alcalde número 1.301/2007, do 27 de xuño,

RESOLVO:

Primeiro.- Outorgar a seguinte puntuación ó único licitador participante no procedemento negociado convocado polo Concello de Noia para a adxudicación do contrato da obra “Acondicionamento do baixo da Corredoira para actividades musicais”, en base os criterios establecidos na base 12 do prego de cláusulas administrativas particulares que rexen esta contratación:

LICITADOR	PUNTUACIÓN		
	a) Oferta económica (máx. 50 puntos)	b) Reducción prazo de execución (máx. 50 puntos)	Total puntuación
CONSTRUCCIONES CES, SL	50	33,34	83,34

Segundo.- Adjudicar provisoriamente o contrato de execución das obras de “Acondicionamento do baixo da Corredoira para actividades musicais” a **CONSTRUCCIONES CES, SL, CIF B-15.026.289**, por un prezo total de cento trinta e un mil cento doce euros con sesenta e sete céntimos (131.112,67 €) co seguinte desglose e un prazo de execución das obras de oitenta (80) días naturais, todo elo de acordo ó proxecto técnico aprobado, prego de cláusulas administrativas particulares e proposición presentada polo adxudicatario:

- a) Prezo sen IVE: cento trece mil vinte e oito euros con dezaseis céntimos (113.028,16 €).
- b) IVE: dezaoto mil oitenta e catro euros con cincuenta e un céntimos (18.084,51 €).
- c) Total (a+b): cento trinta e un mil cento doce euros con sesenta e sete céntimos (131.112,67 €).

Terceiro.- Requerir ó adxudicatario para que no prazo de quince (15) días hábiles constitúa fianza definitiva por importe de cinco mil seiscientos cincuenta e un euros con corenta e un céntimos (5.651,41 €), por calquera das formas ás que se refire o artigo 84 da LCSP, e presente os certificados xustificativos de estar ó corrente das obrigas tributarias co Concello de Noia e coa Comunidade Autónoma de Galicia.

Cuarto.- Ordenar a publicación da presente resolución no perfil do contratante e notificala a todos os licitadores, coa indicación de que pon fin á vía administrativa e contra a cal poderase interpoñer, potestativamente, recurso de reposición ante o mesmo órgano que dictou o acto, no prazo dun mes contado a partir do día seguinte ó da notificación da presente, ou ben, directamente, recurso contencioso-administrativo ante o Tribunal Superior de Xustiza de Galicia no prazo de dous meses contados a partir da mesma data, sen prexuízo de que se poida interpoñer calquera outro recurso que se estime pertinente.

Quinto.- Dar traslado da presente resolución ós Servizo de Cultura, Intervención, Tesourería, Xefatura de Rendas e dar conta ó Pleno da Corporación na primeira sesión ordinaria que se convoque.

Noia, 26 de setembro de 2008.
O Concelleiro delegado,

Ante min.
A secretaria.

Asdo. Rafael García Guerrero.

Asdo. Ana María Ares Álvarez.